

1 Yohana Gabartati

Shin ga ana ga Yohana yen shinti ga botli ka kaḁe Salomi, tik ḁe yilka ga Maryam ana ga Yesu (yen Mat 27:56; Mar 16:1; Yoh 19:25). Yohana suk yilkeni jwasi, kaa Yakubu suk Biturus kaḁe mil shinti jwe ni njaa mal Yesu wu. Kaal ḁa lishti takarda ḁe mekan jimi wo, Yohana lish gaḁa maṇ tamti gwe asa mbe na shin gwas wu, a tik ḁe maḁgwe lish Ruya ga Yohana wu pak. Ko ḁe sa dlam shin ga maḁgwe lish wasike ka lishtisi wu, ama yal gaḁa ka lishti jwisi suk ka gaḁa maṇ tamti tumal Yohana te yal gaḁa ga mbalaṇ ḁe naṁ. A kolsi ji motgaa ga maṇ kopti dlam ḁe yen shinti ga botli Yohana ka lishsi. Ta lish lishti takarda ḁe mekan ju ka pakti multi gwasi, ka gin ḁe 85 ta la ḁe 95 Kaal ḁa maḁhkan ga Yesu. Gon a baṇ Apisus ten kaṭ atl ga nak'en Asiya, lu gwe ta maḁhi ata ni kaksha bacina ga maṇ kopti wu, kaḁe lu gwe ta lish wasike kaḁi wu.

Yohana ndalli gahwulaṇ mbalaṇ taṣ paḁ zu-munta suk Yesu suk yilkeni jwasaṇ na lishti takarda gaṇ. Ta ḁaḁisi kan ten bi gaḁa shelti jwe a palli gaḁa ten Yesu, Yen ga Nya ḁe lal wu

Gaḁa gwe a baḁ mbadl gwe ba a paki sowu

¹ Ma ni kii ma dlamti gaḁa ten maḁgwe ta ni ḁa tet ten lakti zhila ga dii atl wu, tik ḁe maḁgwe ma kum yal gwasi, yek ma yenti na gwel gaṇaṇ wu.

Yek ma wutit gwel i'e yek ma tanti na ang ganan, tik de gaba ga mbadl gwe ba a paki sowu.

² Gaba ga mbadl gwisi tul ten dii atli, yek ma yenti, yek ma hwi mbalan gaba ten damti gwasi yek ma dlamikii gaba ten mbadl gwe ba a paki so gamisi. Tek go ta ni to mal Nya Aba ka, yek ta tul mal ni.

³ Ma hwikii de mi wo ma yenti yek ma kumti wi, kangwe de kaa cugaa sukmi wu. A cutgaa ganan mi wo suk Abe kan suk yen gwasi Almasihu Yesu.

⁴ Ma ni kii ma lishti nak gami ta hwol tuk ganan* njikan da.

Lat ka cilti ga Nya

⁵ Gaba gwe ma kumi tet bi datka yek ma hwikii wi wuggu, Nya wo cilti kan, a malti wo damshal ni da so ko njet.

⁶ Kume ma wuli de ma nama cutgaa sukti ama ama yima lat ka damshal go, ma shelan lali a ba ma nanma damti ka gem so.

⁷ Ama kume ma nanma lat ka cilti nak gwe ta ni ka cilti go, ma cugaa suk yilkeni jinan, a hwulan ga Yen gwasi Yesu polini daskan ga palti byas wul ka mas.†

⁸ Kume ma wuli de mi wo man palti byas wul ka sowu, ma shelan gaa ganan a ba gem nan gipni so.

⁹ Kume ma dlam Nya byas wul jinan wu, ti wo man njikanti gaba gwe ta dlam wu kan a man palti gem kan, ta taas byas wul jinan ka, ata polini daskan ga lashi palti gem ganan ka mas.

* **1:4 1:4** Ka lishtisi jon wo sa lishi de gwakan † **1:7 1:7** Sogo ko wokko

¹⁰ Kume ma wuli de mi wo ma palan byas wul sogo, ma pallan Nya wi de man shelti lali, a ba gaba gwas mbi lu damti ka mbadl ganan so.

2

¹ Mil ji lami jini, a lishikii gaba gee kangwe de kaa pal byas wul sowu. Ama kume malgon pal byas wul wu, man gaba na Nya Aba ka lal ganan nini da, mali ka de Almasihu Yesu man palti wul ndakce.

² Mashkan gwas ka de sadaka gwe sa pali ta Nya taas daskan byas wul jinan ka, a ba mi na ngwenan ka so ama suk byas wul ji mas mbalan ji dii atli.

³ Na nu kan ma mbokan ang de ma yisanti, de ma koban ilgwe ta hwini de tan pali wu.

⁴ Malgwe dlam de, <<Ami wo a yis Nya,>> ama bata kop ilgwe ta hwini ni wu sogo, mali shel lali a ba gem nit ka mbadl so.

⁵ Ama malgwe kop gaba ga Nya go gem, lamti Nya njikan ka mbadl gwas wi. Na nu kan ma yisi de mi wo mbalan jwas kan.

⁶ Mas malgwe dlam de ti wo mbalan ga Nya ka go, ngetli kan tas pal wunda damti gwe Yesu pali wu.

⁷ Yelan ji lami jini, pyal ilgon kan a nikii ma lishti gaba dani so ama gus wul kan, ilgwe de tet ten ndat zhila gaba ganan kan a hwikii wu. A yek de gus ilgwe kaa kum gaba dani wu.

⁸ Ama hal ase ilgami yi de pyal wul gwe a yi kii ma lishti gaba wu. Gem kan mbalan yeni ka damti ga Almasihu yek sa po yeni ka damti

gwakan wi da, nak de damshal nama pakti ka, a cilti ga gem nda cilat lu wu.

⁹ Malgwe wuli de ta nima damti ka cilti ata yima nget hwulan ga man kopti yilka gwas go, ta yima damti ka damshal.

¹⁰ A malgwe lam yilka gwas go ta nima damti ka cilti, a ba ilgwe a lakti ten kotti asan ka damti gwas wu nidda so.

¹¹ A malgwe nge hwulan ga yilka gwas go, ka damshal kan ta nima palti wul suk damti gwasi. A bata yis lu gwe ta nima lat du so nak de damshali yitlet gwel kawu.

¹² Mil ji lami jini, a nikii ma lishti gaba,
nak de Nya taasikii daskan ga byas wul
jwakan ka tumal Yesu wu.

¹³ Kolsi, a nikii ma lishti gaba,
nak de kaa yisti wu, ti de tet ten lakti zhila ga
dii atl kan ta ni wu.

Mil samali, a nikii ma lishti gaba,
nak de kaa man ngetl ga guu mazhe wu.

Mil jini, a nikii ma lishti gaba,
nak de kaa yis Nya Aba wu.

¹⁴ Kolsi, a nikii ma lishti gaba,
nak de kaa yisti wu, ti de tet ten lakti zhila ga
dii atl kan ta ni wu.

Mil samali, a nikii ma lishti gaba,
nak de kii wo man ndalti kan,
a gaba ga Nya nima damti ka mbadl gwakan
wu,
a kaa man ngetl ga guu mazhe wu.

Bak laman byas damti ga dii atl gee so

¹⁵ Bak laman byas damti ga dii atl gee, sogo wul jwe ni gibi wu so. Malgwe lam byas damti ga dii atl gee go, lamti Nya Aba ni ka mbadl gwas so.

¹⁶ Kangwe a mbalan lam wul jwe ni ten dii atl wuggu, kaptat da dli ga mbalan gwe a lak mbalan ten palti byas wul wu, lamti pat palan, suk yenti ga gaa wule ka manan naa mbalan. Wudal ji wul jwisi wo wul ji Nya ka so, wundal ji wul jimi wo ji byas damti ga dii atl kan.

¹⁷ Byas damti ga dii atl gee na kaptat da dli ga mbalan a paki, ama malgwe ata pal ilgwe Nya lami go damti gwas a paki so.

Dalti kang ten man nget hwulan ga Yesu

¹⁸ Mil ji lami jini, pakti ga dii atl bal njaa. A nak gwe kaa kumi wu man nget hwulan ga Almasihu ni tedi, nak ninge mago man nget hwulan ga Almasihu balda wonti. Nuk laki yek ma yisi de pakti ga dii atl gee ka bali.

¹⁹ Tet ka mi kan man nget hwulan ga Almasihu ni, ama si wo yilkeni jinan ji gem ka so. Yilkeni jinan kani de si go sa dam sukmi. Ama yek zatgaa de sa zigaa wu mbok ang de si wo yilkeni jinan ka so.

²⁰ Ama kii wo Man Cilti ka botlkii yek kaa yis gem mas jwakan.

²¹ Lashi yisti gem jwakan ka laki yek a lishikii gaba so ama yisti gemi de ka yisi ka laki. A ka gem wo ba lal a ni da so.

²² Wok de man shelti lali wo? Malgwe dlam de Yesu wo Almasihu ka sowu. Wudal ga malgwisi kade man nget hwulan ga Yesu, mali nge yisti ga Abe suk Yeni pak.

²³ Mas ma_lgwe nge yisti ga Yeni go, ta_l yis Abe so, a ma_lgwe wule ta_l yis Yeni go, ta_l yis Abe pak.

²⁴ Nu ka_{wu}, ngiba_n ga_{ba} gwe sa_l dlamikii de sa_l nde dlamti ga_{ba} wu. Kume pa_li nu go, ka_a nima damti suk Yeni suk Abe pak.

²⁵ A ilgwe ta_l dlallini ga_{ba} dani go yek de, kume ma_l daman sukti wu ma mbi mbadl gwe ba_l a paki sowu.

²⁶ A lishikii ga_{ba} ga_n ta_l dalikii ka_ng ten majwe nama lamti gilla_t jwaka_n ju.

²⁷ Kii gaa jwaka_n wo botli gwe Almasihu pa_likii wu yi kii gaa, a ba_kaa po lami de ta_l ma_lgon mbokikii ang ten ilgon so. Na_k de botli gwe ta_l pa_likii wu mbokikii ang ten wul mas wu, a botlisi wo ga_l gem ka_n ba_l de ga_l la_l so, dala_n malti na_k gwe botlisi mbokikii ang wu.

Mi wo mil ji Nya

²⁸ Nuk go, mil jini, daman ka_l Almasihu, kangwe ta_l susut du go ma manan dala_ti na_l nda_li gahwulan a ba_l nsha a cinni a cina datka sowu.

²⁹ Na_k de ka_a yisi de ti wo man pa_lti wul ndakce kawu, yisi de mas man pa_lti wul ndakce mbi zat de yen ga_l Nya wi.

3

¹ Bohwe ni ka_n nalti ga_l lamti gwe Nya Aba laman ni wu ni gwi, de hal asa_l mbe ni de mil jwas wu! A de mil jwasisi ka_n mananni. Ilgwe laki ba_l mbala_n ji dii atl gee Kamannii sogo yek de mbalami yis Nya so.

² Yela_n ji lami jini, ningo mi wo mil ji Nya ka_l bali, a kangwe ma ya tok daman go, ma_lgon bo

yisi so. Naḱ kan ma yisi de, kume Yesu susut du, ma palan naḱti ama yenaṅti naḱ gwe ta ni wu.

³ Mas majwe zi mbadl gwasan tenti go, sa pol dasan palṭi byas wul jwasan kawu, naḱ gwe Yesu wo dasan nidḁa sowu.

⁴ Mas maḡwe pal byas wul go mali ḁakci mbaṭ gaḁa wi, de gem kago palṭi byas wul wo ḁakci mbaṭ gaḁa kan.

⁵ Ama kaa yisi de Yesu tuli taṣ taas byas wul jinan ka. A ti wo ba byas wul nidḁa so.

⁶ Mas maḡwe nima ḁamti ka Almasihu go baṭa po pita palṭi byas wul so. Maḡwe yima ta palṭi byas wul go ta bo yis gaa ga Yesu so a baṭa bo yisti so.

⁷ Mil ji lami jini, ba maḡon gillaḱii so. Maḡwe a ta pal wul ndakce go, man zok mbadl kan, naḱ gwe Almasihu wo man zok mbadl kawu.

⁸ A mbalan man palṭi byas wul wo ga guu mazhe kan, naḱ de guu mazhe wo tun tet ten ndat zhila ga dii atl kan ta nima palṭi byas wul wu. Ilgwe laki yek Yen ga Nya tul go yek de, taṣ jek wul jwe guu mazhe laki wu ka.

⁹ Mas majwe bal de mil ji Nya go sa po pita palṭi byas wul so, naḱ de wundaḡ ga Nya ni kaṣi, asa bal de zaṭi ga Nya wu.

¹⁰ Kangwe a ma hwul dlo ji mil ji Nya, suk mil ji guu mazhe wuggu. Mas maḡwe a ta pal byas wul go yen ga Nya ka so, a maḡwe ba ta lam yilka gwas so ma go mali wo yen ga Nya ka so.

Laman yilkeni jwakan

¹¹ Gaḁa gwe kaa kumi tet ten ndat zhile wuggu, taṅ laman yilkeni jinan.

¹² Baḱ paḱi naḱ gwe Kayinu paḱi wu so, de ta tlo yilka gwas wu, ti wo ga guu mazhe kaṇ. A yokit gwas ka laki yek ta tloti ama ilgwe yilke paḱi go zok wul kaṇ.

¹³ Yilkeni jini, ba ndekii de wul cit banti so, kume de mbalaṇ ji dii atl gee nge hwulan jwakaṇ wu.

¹⁴ Mi wo ma dakcaṇ maṣhkaṇ wi ma balaṇ na mbadl gwe ba pakti nidda sowu, naḱ de ma lamaan yilkeni jinaṇ wu. Maḱgwe lam yilkeni jwas sogo mali yima damti maṣhkaṇ.

¹⁵ Mas maḱgwe nge hwulan ga yilka gwas go ta ni de naṁ suk maṇ tlot mbalaṇ, a kaa yisi de maṇ tlot mbalaṇ wo mbadl gwe ba a paki sowu nidda so.

¹⁶ Kangwe ma yisaṇ lamti wuggu, Almasihu Yesu baḱ mbadl gwas ka lal ganaṇ. A mi mago mbun de taṇ balaṇ gaa jinaṇ ka lal ga yilkeni jinaṇ.

¹⁷ Kume wul ang ni maḱgon da, yek ta yen yilka maṇ laṣhi wul, ama yek bata yen gonti gwas sogo, da ni kaṇ wundaḱ ga maḱgwisi a wule lamti ga Nya ni ka mbadl gwas gwi?

¹⁸ Mil ji lami jini, baṇ lamaan yilkeni jinaṇ na bi sogo laḱa so, taṇ lamansi na gem suk paḱti wul jinaṇ.

¹⁹ Naḱ gwisi kaḱde kangwe ma yisi de mi wo mbalaṇ ji gem ga Nya kaṇ, a na naḱ gwisi kaṇ ma mbi ndali gahwulaṇ a cina da Yesu ka.

²⁰ A kume mbadl jinaṇ desannii wu, Nya man ngetl ga mbadl jinaṇ, a ta yis wul mas.

²¹ Yelaṇ ji lami jini, kume mbadl jinaṇ desanni sowu, ndali gahwulaṇ nini da a cina da Nya ka.

²² A ta balanni ilgwe ma ngemiti wu, nak de ma palan ilgwe ta hwini wu suk ilgwe tamit da wu.

²³ Ilgwe ta hwini wu kade tan ngasanni ten Yesu, Almasihu Yesu, yek Yesusi po hwini de tan laman yilkeni jinan.

²⁴ Majwe nama kopti ilgwe ta hwisi go, sa nima damti sukti ata nima damti sukxi pak. A kangwe ma yisi de ta nima damti sukmi wuggu, tumal Shishi gwas de ta balannii wu kan ma yisi nak gwisi.

4

Cingalan shishi mas

¹ Yelan ji lami jini, bak ndaki mas majwe wule shishi ga Nya nisi da wu so, a ma cingalan shishisi tak yisi de tet mal Nya kan ni paa. Pali nak gwisi nak de majwe asa shel lal de si wo man dlamti gaba ga Nya kade si wu, balda wonti ten dii atli wu.

² Kangwe kaa yis Shishi ga Nya wuggu, mas malgwe wuli de Almasihu Yesu tul na* dli ga mbalan wu, wunda ga mal gwisi wo Shishi ga Nya ni ka ti.

³ Ama mas malgwe wule Yesu tul na dli ga mbalan sowu, wunda ga mal go Shishi ga Nya ni ka ti so. Shishi nget hwulan ga Yesu kan, shishi gwe sa hwikii de aya tul wu. A nak ninge go balda ten dii atli.

⁴ Mil ji lami, kii wo mbalan ji Nya kan akaa man ngetl ji maju wi, nak de malgwe ni gipkii wu man ngetl ga malgwe ni ka mbalan ji dii atl gee wu.

* **4:2 4:2** *Sogoka*

⁵ Si wo mbalaṇ ji dii atl kaṇ yek laki asa yen wul na gwel yenti wul ji maṇ dii atli, a maṇ dii atli katisi kaṅ.

⁶ Mi wo mbalaṇ ji Nya kaṇ, a majwe yisti wu katini kaṅ, ama mas maḷgwe ba gwas ka sowu baṭa katini kaṅ so. Na nu kaṇ ma yisaṇ majwe Shishi gem ga Nya ni kaṣi tet ka majwe shishi ga gillaṭ mbalaṇ ni kaṣi wu.

Kangwe Nya lam mbalaṇ wu

⁷ Yelaṇ ji lami jini, ma lamaan yilkeni jinaṇ. Lamti wo sut mal Nya kaṇ ni. Mas majwe lam yilkeni jwasan go sa bal de mil ji Nya, asa yisti wi.

⁸ Mas majwe lam yilkeni jwasan sogo sa yis Nya so, naḱ de Nya wo lamti kaḱe ti wu.

⁹ Kangwe Nya mbok ang ten wundaḷ ga lamti gwas ka dlo ganaṇ wuggu. Ta lak Yen de nam gwe nidda wu sut ten dii atli, kangwe mbalaṇ a mbi mbadl gwe ba a paki so tumalti wu.

¹⁰ Kangwe lamti ga gem ni wuggu. Ba de mik lamaan Nya so, ama tik lamanni yek ta lak Yen gwas sut ten dii atl de sadaka ga taasti daskan palṭi byas wul jinaṇ ka.

¹¹ Yelaṇ jini, naḱ de Nya lamaan i'e nu wu, ngetli kaṇ ma lamaan yilkeni jinaṇ.

¹² Maḷgon bo taba yenti ga Nya so ama kume ma lamaan yilkeni jinaṇ go, ta ni ka mbadl ganaṇ a lamti gwas njikaṇ ka mi wi.

Kangwe a Nya dam ka mbalaṇ wu

¹³ Na nu kaṇ ma yisi de ma nima damti suk Nya ata ni ten mbadl jinaṇ, naḱ de ta balannii Shishi gwasi tas dam sukmi wu.

¹⁴ A ma_yeni wi yek ma_dla_m mbala_n ga_ba dani de, Nya Aba lak Yen gwasi ta_s da_m de ma_n kisti ga_mba_n ji dii atli.

¹⁵ Mas ma_lgwe kan Yesu de Yen ga_Nya go, Nya ni ka_mbadl ga_mali a mali nima da_mti sukti pak.

¹⁶ Nuk laki yek ma_yisi de Nya la_ma_nni yek ma_ngasa_n ten lamti gwisisi.

Nya wo lamti ka_n. Mas ma_lgwe nima da_mti na_lamti ga_yilkeni jwas go mali nima da_mti suk Nya, a Nya ni ka_mbadl ga_mali.

¹⁷ Kume lamti njika_n ka_dlo ga_nan wugo, ma mbi ndali gahwula_n ten cin gwe Nya a kisi ga_ba mbala_n mas wu, na_k de ma_na_mma da_mti ten dii atli na_k kangwe Yesu da_m wu.

¹⁸ Wuda_l ga_lamti ga_m wo banti ni gibi so. Lamti ga_gem wo a mbo_l banti ka, na_k de mbala_n ma_n banti wo nolti ga_Nya ka_n ata_bantit wu. Nuk laki a ba_ma_n banti a njika_n dli na_lamti ga_gem so.

¹⁹ Ama ma_na_mma lamti ga_yilkeni jina_n na_k de Nya ka_lak zhila lamti ga_mba_n wu.

²⁰ Kume ma_lgon wule, <<A lam Nya,>> ama yek ta_na_ma nget hwulan ga_yilka gwas go, ma_n shelti la_l ka_de mali. Ma_lgwe nge hwulan ga_yilka gwas de ta_na_ma yenti gwas wu, a man lamti Nya de ta_bo yenti so gwa?

²¹ Ilgwe Nya hwini go yek de, mas ma_lgwe lamti go ngetli ka_n ta_s lam yilkeni jwas pak.

5

Ngasti ten Yen ga_Nya

¹ Mas majwe bal gem na Yesu de Almasihu go sa bal de mil ji Nya, a mas majwe lam Nya Aba go sa lam Yen gwas pak.

² Kangwe ma mbokan ang de ma laman mil ji Nya wuggu, de ma laman Nyami yek ma koban ilgwe ta hwini wu.

³ Kangwe lamti Nya ni wuggu, ta mbalan pal ilgwe ta dlam de tas pali wu. A ilgwisi wo ba man bomti ka so,

⁴ nak de mas majwe ni de mil ji Nya go, sa man ngetl ga byas damti ga dii atl ge wu. Nak gwisi kade kangwe ma manan ngetl ga byas damti ga dii atl gee, tumal ngasti tenti wu.

⁵ Kaa wok de majwe sa man ngetl ga byas damti ga dii atl ge go? Majwe bal gem na Yesu de Yen ga Nya wu na ngusan kan.

Dlamti gaba ten Yen ga Nya

⁶ Sa mbok ang ten Yesu Almasihu de Yen ga Nya tumal ze baptisma suk hwulan gwas de shot de sa tlot ten guda yencin wu. Aba tumal ze baptisma gwas tokte ka so, ama na ze baptisma suk hwulan gwas de shot du. Shishi ga Nya kade man dlamti nu, nak de Shishi wo man dlamti gem kade ti wu.

⁷ De mekami kade man dlamti gabe,

⁸ na Shishi ga Nya suk ze baptisma suk hwulan, a de mekami dlam gaba de nam mas jwasan.

⁹ Kume dlamti gaba ga mbalan kan ma kaman go dlamti gaba ga Nya ndal mani, a dlamti gaba gwe ta pali ten Yen gwas wu kade gwisi.

¹⁰ Malgwe bal gem na Yen ga Nya go dlamti gaba gami nit ka mbadli. A malgwe bal gem na Nya sogo mali pallat de man shelti lal wi, nak de ta

baḷ gem na dlamti gaḃa gwe ta paḷi ten Yen gwas wu sowu.

¹¹ A dlamti gaḃe wo yek de, Nya baḷannii mbadl gwe ba a paki sowu, a ma mbi mbadlisi tumal Yen gwasi.

¹² Maḷgwe Yen ga Nya nit da go mbadl gwe ba a paki sowu nidda, a maḷgwe Yeni nidda sowu mbadl gwe ba a paki sowu nidda so.

Pakti gaḃa

¹³ A lishikii wul jee kii de kaa ngasti ten Yen ga Nya wu, kangwe ka yisi de mbadl gwe ba a paki sowu ni kii da wu.

¹⁴ Gwisi kaḃe ndali gahwulan ganān ten dlalti a cina da Nya ka, de ta kumannii, kume ma ngeman wul kangwe ta lami wu.

¹⁵ Naḃ de ma yisi de Nya a kumannii ten wul jwe ma ngemi wu, ma yisi de ma mbi wul jwe ma ngemiti wu.

¹⁶ Kume gon gwakan yen yilka gwas ten paḷti byas wul gwe de a lak maḷi ten maḣkan sowu, taḣ ngem Nya taḣ baḷ maḷi pyal mbadli. A nama gaḃa ten majwe paḷti byas wul jwasan a taḷasi kaa maḣkan sowu. Paḷti byas wul gwe a lak mbalan ten maḣkan wu ni da. Wudali gwisi kan a nama wulti de taḣ ngem Nya dani so.

¹⁷ Mas ilgwe paḷi naḃ gwe mbun de ta paḷi sowu byas wul kan, ama wundaḷ ga byas wul gwe ba lak mbalan ten maḣkan sowu ni da.

¹⁸ Ma yisi de mil ji Nya wo baḣa pita paḷti byas wul so, a Yen ga Nya ngipsi ka ang gwasi, a ba guu maḣhe a manisi paḷti ilgon so.

¹⁹ Ma yisi de mi wo mil ji Nya kan, a ma yisi de naa mbalan ji dii atl mas ni ang da guu maḣhe ka.

²⁰ A ma yisi dade Yen ga Nya tuli yek ta balannii mbotlkan yisti wul, kangwe ma yisan Nya ga gem. A ma daman sukti ti de gem wu, a ma daman suk Almasihu Yesu Yen gwasi. Tik de Nya ga gem suk man baliti mbadl gwe ba a paki sowu.

²¹ Mil ji lami jini, nge paliti wul ji gunki, wul jwe a mbalan kansi de Nya wu.

Geji New Testament Portions

Portions of the New Testament in the Geji language of Nigeria

copyright © 2023 The Seed Company in collaboration with Language Developers and Bible Translators Association

Language: (Geji)

Contributor: The Seed Company

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

- You include the above copyright and source information.

- If you make any changes to the text, you must indicate that you did so in a way that makes it clear that the original licensor is not necessarily endorsing your changes.

- If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-07-02

PDF generated using Haiola and XeLaTeX on 2 Jul 2025 from source files dated 2 Jul 2025

1d007d04-9717-58d3-914b-11692f80c43e